

Im Friehling werdd gedicht

Vor e paar Daach, als ich grad beim Graulich in moi Audo klettern wollt, kam aach de Schorsch mettem Fahrrad oogefahrn. Ich habb die Audodier widder zugemacht, habbem gerufe, unn alser soi Fahrrad abgestellt unn abgeschlosse hott, bin ich zu emm hie unn habb Gude gesacht.

Ei gude, Honnes, hott aach de Schorsch mich begrüßt, merr merkt, es werdd Friehling. Ich habb genickt: Weil iwverall werdd geschafft unn repariert, was willsden du holle? Och, moont de Schorsch, ich will nooch so em Wasserzähler gucke, ferrs Gaddewasser. Unn du? – was hosden du gebraucht?

Ich saach: Nor e paar Kloonichkeide. Unn doodroo, weil mir zwaa widder was schaffe wolle im Haus unn im Gadde, hosde gemerkt dasses Friehling werdd?

De Schorsch hott gegrinst: Naa, nit deshalb. Doo gibts onnern Oozeiche deferr, odder?

Ich wusst nit wasser wollt: Ei was ferr dann, Schorsch?

Doo grinst de Schorsch noch mehr: Ei weil ich dich vor e paar Daach mettem Fahrrad gesehe habb. Ich habb gedenkt, wenn de Honnes ess Audo in de Garasch lässt, iss de Winder erum. Unn außerdem – host du e nei Fahrrad?

No ja, habb ich zur Antwort gewwe, doo hosde genau hiegeguckt. Ja, ich habb e nei Fahrrad, dess hott merr die Fraa zum Geburtsdaach geschenkt.

Enn mords Renner iss des joo nit, moont de Schorsch, wenn ichs richdich gesehe habb iss dess e Damefahrrad.

Ich habb de Kopp geschittelt: Naa, dann war ich dess nit. Weil e Damefahrrad habb ich nit. Ich habb e Fahrrad mettem extra diefe Oistiech.

Druff de Schorsch: Heer uff, Honnes, dess iss widder mol so e nei Wort. Weil wer will als Monn schunn e Damefahrrad fahrn – awwer geeche oons mettem extra diefe Oistiech kann kooner was hawwe.

Jetzt habb ich gegrinst: Ja, die Werrder makes. Unser Unnerhose hawwe joo aach vorne koon Schlitz mehr, die hawwe enn Oigriff. Merr saacht aach nit, de Schorsch hott e Halbglatz, merr sacht, der hott enn hohe Scheidel. Ich habb Spass on so Werrder.

De Schorsch hott mettem Kopp gewackelt: Wer die nor alls erfinne dut. No ja, im Winder hawwe die Leit enn Haufe Zeit ferr sowas.

Naa, habb ich gesacht, so Sache wern im Friehling erfunne. Ess iss die Luft unn die Nadur, die so Texter unn aach Dichter in Hochform schafft, wenn die ersde Blädder on die Beem kumme, die Buchfinke de gonze Daach schmettern, owends die Omsele sin-ge, unn wens dezu noch warm iss. Sogar de Goethe hott im Friehling die besde Oifäll gehabt, doo hotter de Osterspaziergong gedicht unn de Reineke Fuchs mett: Pfingsten, das liebliche Fest war gekommen ... So, jetzt muss ich awwer hoom, ich will selbst was dichte.

Doo moont de Schorsch: Dess muss schee soi, dichte ze kenne. Unn du konnst dess?

Ich habb de große Monn gemacht: No klar kann ich dichte, doo brauch ich kooner dezu.

De Schorsch war e bisje traurich: Wenn ich dess aach nor kennt. Was willsden dichte?

Ich war gonz ernst: De Wasserhohne in de Garasch. Der war im Winter oigefronn unn jetzt tröppelder.

Eiern Honnes